

تور كچه

# لواء الاسلام

محل اداره سي:

Berlin-Nikolassee,  
Normannenstraße 6.

Teleph.: Wannsee 132

صاحب و مدير مسئولی  
معلم دوكتور الياس براغون بك

منافع اسلاميه به خادم آثار  
ايچون صحيفه لر مز آچيق در.

۱ نجی سنه

اون بش كونده بر نشر اولنور سياسي مجموعه

نومرو - ۱۰

## انكلتره و يكي تركيا

فرانسز باش قوماندانلغنك حكمنی لغو ايتديلر، سوكراده  
آناطولیده مهم نقطه لری و دمیر بوللرینی اشغال ايله ديلر.  
استانبولده بر طرفدن اهالی بی ییلدیرمق ایچون شدتله  
حرکت ایدرکن، دیگر طرفدن الدہ ایتدکری فرید  
پاشا واسطه سیله سرائی لطف و تهدید آراسنده امرلرینه  
رام ايله ديلر، آرنق هر شی یولنده کیتمکده و فرید  
پاشا ايله عقد اولنان مقاوله ايله ترکیه اولش آرمود کپی  
انکلیزلرک آلرینه دوشمکده ایدی. یالکز، ایلک یاپدقلمری  
طاشقینقلر یوزندن ذاتاً اسلاملر نزدنده نفوذی صار-  
صیاض اولان فرانسز لری استانبولدن آتمق قلمشیدی.  
دیرکن آناطولینک، ایشک وخامتنی آکلایه رق حرکت  
کلمه سی اوزرینه انکلیزلر یونانیلری ازمیری اشغاله  
سوق ایتدیلر و انکلیز حسابنه کندینی بوغازلاته جق  
کوکلی بر یاردانچی میدانه کتیردیلر. بوسایه ده ایلک  
زمانلرده فرانسز لرک شمارته رق کوبا دوستلغنی قزانش  
اولدقلمری روملری ده انکلیزلر چلمش اولدی. بر طرفدن  
قلاغوزی فرید پاشا اولان سرائی، دیگر طرفندن ازمیرک

متارکده ده انکلیز امیرالنک سویله دیکي بالدیزلی  
سوزلر او زمانکی عزت پاشا قایینه سنه بویوک امیدلر  
ویرمیشیدی. انکلیز سیاستنک با خصوص شرقدہ کی  
هدفی کورمینلر ایچون انکلیزلرک حسن نیتنه اینانماغه  
سبب یوقدی. انکلیزلر هر حالده تورکیه نک، خلافتی  
و استانبولی ايله برابر، آلرینه کچدیکنه حکم ایتدیکي  
ایچون استانبوله قارشى ظاهراً نماشات کوسترمکده باس  
کورمورلر و یالکز استانبوله باشقه لرینک کیرمه مسنی  
پشک آرزو ایدیورلردی. وقتيله مصرک اشغالنده  
آلدانمش اولان فرانسز لرک، بو دفعه بو او بونده انکلیزلری  
یالکز براقامق امليله استانبوله قوشدقلمری کورون  
انکلیز ممثلی، استانبولده یالکز حاکم اولق پلاننک موقتاً  
کری قلمش اوله سندن شاشمرش و زمانک صدر اعظمه  
فرانسز لره قارشى مقاومت تلقین ایده جک قدر ایلری  
کیتمیشیدی. لوید جورج قرارنده ثابت ایدی، مانعی  
ازاله مقصديله موقتاً کربله بن انکلیزلر تدریجاً  
هدفه دوغری کیتمکده دوام ایتدیلر. اولاستانبولده

اشغالیله آغزینه بر پارمق بال سورولش اولان یونان کبی ایکی صادق متفق قوقله سنک باردی ایله انکتره حرکتیه کلدی. ازمیرک یونانلیر طرفندن اشغالیله الک مقدس حریمه الک ناموشکن بر دشمن طرفندن صالدرلش اولدیغنی کورن آناطولی بر حیات و ممات مجادله سنه کیریشدی. فرید پاشا آناطولینک اوز اولادینی بری برینه بوغازلاتمق ایچون زوریلر بابارکن، یونانلیرده مقدس طوبراقلر یزه ییلان کی صوقولقده دوام ایتدیلر. انکتره ایسه کوز دیکدیکی استانبولی الینه کچیرمک ایچون چالیشمقدن کیری دورمادی. پاپاس فرولر، فرید پاشانک طاقدیغنی کم ایله، سرائی ایسته دیکی کی اداره ایدرکن «انکلیز محبلر جمعیتی» چیغیرتقالیری ده علی کاللی، رفیع جوادلری ایله افکار عمومیه فی ترکیا ایچون بر انکلیز مانداسنه احضاره چالیشیورلردی. انکلیزلرک مصرده، هندستانده یایدیغنی وحشتلر، جنایتلر میدانده ایکن، بورالرده آقمقده دوام ایدن اسلام قارداش قاننک دومانی چیقارکن بو مقوله چیغیرتقالیر آغلور. ساقسون عرقنک اوقطعه لرده یایدقلری اییلکدرن بحث ایتمکدن، بزم ایچون ده سلامتک، رفاهتک انکلیز بویوندورغنه کیرمه مزده اولسنی سوله مکن، یازمقدن حیا ایتمه دیلر. انکلیزلر بویولده بورورکن، و قتيله مصرده اولدیغنی کبی ینه حریم دوستلری انکلیزلر طرفندن آتاتیلدیغنی کورن فرانسزلر، یابغریه باشلا- دیلر. فقط انکلیزلر آلمان مسائلنی بر کیک اوله رق آتمق صورتیه فرانسزلری صوصودیلر و ایشلرینه دوام ایتدیلر. بر آن اولدی که فرانسزلرک ده اصراری اوزرینه فرید پاشا صحنه دن چکلدی، برینه توفیق پاشا قایینه سی کلدی. لوندیره قایینه سنک، بولشه و بکلرله آکلاشمغه

مخالف اولان بر قسم اعضا سنک ده تأثیریه لوید جورج هم آناطولی فی بولشویکتر علیهنه سوق ایتمک و هم ده سرای ایله استانبول و آناطولی فی الده ایتمک جهتی التزام ایدرکی کوروندی.

انکلیزلر قونفرانسی پاریدن لوندیره به نقل ایتمک صورتیه، بو ایشده اوک آباق اوله رق تورک لک و عالم اسلامک توجهنی قزاق ایسته بن، فرانسزلرک املنه ایلک ضربه فی اوردیلر و بو ایشده بالکز انکلیزلرک حاکم اوله جفنی کوستردیلر. ته کم بونی پاریده و ایتالیا ده آقره و استانبول و کیلرینه، فرانسز و ایتالیان رجال رسمیه سی طرفندن سولتدیلر. لوندیره قونفرانسنک صفحاتی و تائیجی ده اساس اعتباریه انکتره سیاستنده دکیشمش بر شی اولدیغنی کوستردی. انکلیزلر استانبولی خلیفه سیله برابر آله کچیرمک خصوصنده کی هدفلرینه بورومکده دوام ایدیورلر. یونانستان، فرید پاشا و امثالی ایسه هدفه واصل اولق ایچون بر واسطه دن عبارتدر. بز، انکلیزلرک آهمق بر شرطله آناطولینک استانبولی الده ایتمنه موافقت ایده جکی قناعتنده بز، اوده؛ فرید پاشا ایله باغلانان آکلاشمه نک آناطولیجه تماماً قبولی در. یعنی وطنپور و سلاحنی تسلیم ایتمه بن آناطولینک، انکلیز اویونجاغی اولان، سرایه اقیاد ایتمه سیله ممکن در. استانبول، هیچ اولمازسه چناق- قلعه فی طوغریدن طوغریه انکلیزلرک امرینه آماده بولندیره جق بر استانبول حکومتی الده بولونمازسه، مصرده اولدیغنی کبی بورالرینی ضبط و الحاقه وضعیت حاضره مساعده ایتمزسه، احوالده انکلیزلرک بورالرینی شمدیلک، وضعیت جغرافیائیسی دولایسیله هر وقت انکلیزلره رام اوله جق یونانستانه یشکش چکه رک

سیاستی تعقیب ایدیور. تشکر ایدہ لم کہ بو مجاہدہ دہ  
 آناتولی تورکلرینک باشندہ بولنانلر اوزمان مصر ایشی  
 اداره ایدن، اعرانی پاشالردکدر. ایشہ بو فرق  
 بزہ امید ویریور. بویله جه بلکه بوکون مادۀ غائب  
 اولغہ محکوم اولان استانبولی مناسب فرصت ظهورندہ  
 آلہ کچیرہ جک بر آناتولینک اولسون ائزده قالاچغندن  
 امیدمزی کسمہ بوزر. انگلیز لری قبول ایدہ بیله جکمز  
 بر صلحہ موقتاً یاناشدیرمغہ آنجق بوغازلری تہدیدہ  
 قادر بر آناتولی موفق اولہ جقدرد. یوقسہ طانی دیلمہ  
 تأمینانزہ نہ اونلر اینانیر؛ نہ دہ بز. (۱)

وقت مناسبک حلونہ انتظار ایدہ چکلری آشکارد. اوحالده حقیقی بر موجودیت ایلہ یاشامق استرسہ،  
 آناتولی ایچون یکانہ چارہ حربہ دوامدن عبارتدر. انگلیزلرلہ کولہ، قول اولدقجہ بزہ راحت یوزی  
 یوقدر. اسلاملر و تورکلر اسارت زنجیرینی بویونلرینہ  
 آلہرق جانلریلہ، ماللریلہ انگلیز آمالنہ چالیشمہ دقجہ  
 انگلترہ دن بر خیر اوماملی در. مصرہ قارشی تعقیب  
 اولنان و مصری انگلیز حایہ سندنہ بر سلطانلق درکسہ  
 ایندیرن انگلیز سیاستی، اسلاملرک صوگ دایاق نقطہ سی  
 اولان، تورکیہ بہ و اسلام خلافتنہ قارشی دہ عین

## صوک یونان تعرضی

(عشاق - کدیز - کونایہ) و (عشاق - افیون قرہ  
 حصاری) یوللری کیدر. اطرانوسدن کونایہ اوزرینہ  
 بر یول کلیرسہ دہ بو، آنجق یاز موسمنده و طاغ  
 تشکیلاتیلہ مجھز قطعانک حرکتنہ مساعددر. شو حالده  
 آکلاشلدیغنہ کورہ، یونان اردوسی، کانون اول و  
 مارت تعرضلرنده کی ترتیبانک خلافتنہ اولارق، بو  
 دفعہ بیله جک - بوزاویوک خطنہ قارشی جبهہ دن  
 درت فرقہ ایلہ ایلرولیلہ رک بوز طاغی و جنوب  
 غریبسندنہ تصور ایتدیکی ترک موضع مستحضرینی جبهہ دن  
 اشغال ایتمک و جنوبدن قسم کی ایلہ سریع بر  
 حرکتلہ کونایہ طاغلرینی الدہ ایدہ رک اسکیشہر  
 استقامتندہ ترک قوای اصلیه سنک یان و کیریلرینہ  
 دوشمک ایستہ مشدر.

الدہ معلومات کافیہ و قطعیه اولماققلہ برابر  
 انگلیزلردن بول بول مظهر معاونت اولان یونان  
 اردوسنک ترک قوای محاربه سنہ عدد و مالزمہ جہ پک

یونان اردوسنک آبلردن بری احضار و اعلان  
 ایلدیکی تعرض، نہایت ۱۰ تموز ۱۳۳۷ دن اعتباراً  
 باشلادی. ویریلن خبرلرہ کورہ یونان اردوسی بو  
 دفعہ سفر بر ایدہ بیلدیکی بالجملہ قطعانکی آناتولی  
 دارالحربنہ سوق و تحشید ایتمش، تاق، طیارہ و دہا  
 خاطرہ کلہ بیله جک نہ قدر وسائل قتل و تخریب  
 وارسہ انگلیز افندیلرندن ہدیہ آتش و بروسہ دن  
 بیله جک - بوزاویوک خطنہ، اطرانوسدن کونایہ کڈلک  
 کدیز اوزرندن ینہ کونایہ استقامتلرینہ، و نہایت  
 عشاقدن آفیون قرہ حضاری اوزرینہ اولق اوزرہ درت  
 قولدن ایلرولہ مشدر.

معلوم اولدیغی اوزرہ، مرمرہ دکیزیلہ، ازمیر -  
 عشاق شومندوفر خطی آرہ سندنہ کی یونان ساحہ  
 اشغالندن شرقہ دوغری باشلیجہ: (ایزمیت - کیوہ  
 بوغازی - طراقلی - نعلی خان - انقرہ): (ملیک -  
 یکیشہر - بیله جک): (بروسہ - اینہ کول - بوزاویوک):

فائق اولديغى قبول ايتمك هيچ ده باكش دكلدر .  
شو حالده بو مانوره قارشينده ترك سوق و  
اداره سى ده مساعد شرائط آلتنده محاربه قطعيه وړه -  
يياك ايجون ، كوتاهيه طاغرينه استناد ايتديكى ظن  
اولونان جنوب جناحى برنده طوموش و تكميل  
اردوسى اسكيشهر شرقنده طويلا مق صورتيه بو  
مانوره نى تماماً عقامته اوغرا تمشدر .

ايسته يونانيليرك ، بحث ايده ايده بيزه مدكلرى  
 كوتاهيه ميدان محاربه سى ، تورك قواى اصليه سنك  
 طويلا تمى تا مئن وظيفه سيله مكلف اولان كوتاهيه  
 جانبدار مفرزه سنك يونان قواى اصليه سنه قارشى  
 زمان قزاق ايجون ياشم اولديغى محاربه اولسه كركدر .  
 تركلر طرفندن هنوز كافى معلومات و يرله مكله  
 برابر ، كوتاهيه جوارنده كى محاربه نك صرف بر جانبدار  
 محاربه سى اولديغنه دلات ايده جك خبرلرى ينه يونان  
 تبليغ رسيلرنده اوقوبورز ؛ كوتاهيه ، اون آلتى طوب  
 طرفندن مدافعه ايدلمش فقط بونلرك بر بطريه سى ،  
 يونان الله دوشمش . شو حالده طوب عددينه كوره  
 كوتاهيه جوارنده كى ترك قوتلرى اغلب احتمال تقويه  
 ايدلمش بر مفرزه اعظمى بر فرقه اولاييلير . ته كيم  
 انگليز غزته لرى دخى كوتاهيه نك تركلرك آرزوسيله  
 ترك ايدلمش اولديغندن ، ازله مش و هنوز محاربه يه  
 كبرمه مش اولان ترك قواى اصليه سنك اسكيشهر  
 حواليسنده طويلا نمقده اولديغندن بحث ايتدبلر .  
 صوك پارس خبرلرى ، تركلرك مقابل تعرضلرني  
 بيلدريورلر . احوال هنوز انكشاف ايتمه مكله برابر  
 بو خبرلرك اير كچ تحقيق ايده چكنده شبهه ايتمه مى .

و يالكز بو جدى ميدان محاربه سنك زمان وقوعى  
 ترك قرارگاه عمومى سنك تقدير و بصيرتنه ترك ايتميلير .  
 آتمش بيك ترك اسير و ايكي يوز طوب اغتنام ايتدكلرى  
 حقنده يونان تلغرافلرنده كوريلن صنيعلرى ده ، بو ملتك  
 اساساً مشهور عالم اولان خيالپرستلكنه باغشلاملى در .  
 اك صوك معلوماته كوره آناطولى دارالحربنده كى  
 وضعت عسكريه شو صورته تخمين و ثبت اولنه بيلير :  
 اسكيشهر - سيد غازى خطنده ايكي اردونك  
 قسم كليسى قارشو قارشويه بولنيور . قوتلى تورك سيار  
 قطعاى جنوبدن افيون قره حصارى - عشاق خطى  
 استقامتمنده و شمالدن بوز اويوك - بيله جك - بروسه  
 خطى استقامتمنده دشمنك منزل خطوطى اوزرينه مؤثر  
 حرركات ياپيور . توركلرك ، اغلب احتمال ، شمندوفر  
 خطوطنك اقسام صنايعه سنى تخريب ايتمش اولدقلرني  
 قبول ايتمك اقتضا ايدر . شو حالده يونان منزل  
 خطوطى آتجق ماز العريض يولره استناد ايليور كه اشبو  
 خطوط اوزرينه شمال و جنوبدن ياپيلان تضيقاكت  
 تاثير و اهميتى آشكاردر .

۲۷ تموز ۱۳۳۷ تاريخى انقره تبليغ رسميسى  
 اسكيشهر شرقنده و بالخاصه سيد غازى منطقه سنده  
 يونان تعرضلرينك طرد ايدلديكى و سيد غازى منطقه -  
 سنده يونانيليرك رجعته باشلا دقلرني بيلدرييور . بو  
 محارباتك اهميت و قطعيتى حقنده اساسلى بر حكم  
 ويرمك ممكن دكلسده هر حالده يونانيليرك انقره  
 استقامتمنده بحث ايتدكلرى ايلرى يوروشك عقامته  
 اوغرا دلديغى واضحاً كوريليور . اساساً بر طرفندن  
 عشاقه و بر طرفندن باليكسره استناد ايدن يونان  
 منزل خطوطى آناطولى كى مناعت طبيعیه نى حائز ،



اويله بر ملت كه تاريخي شان و شهامتله ، افنديلكه دولو . ديكر طرفده ايسه آخرك حقوقي غصبه مأمور بر حيدود سوروسى . اويله بر سوروكه حالا اوشا - قلقدن بشقه بر حق حيات كوستره ميور . ناپوليون زمانندهكى اسپانيا محارباني ، موسقوه فلاكي ، و حرب عمومى درسلى هيچ بر زمان خاطر دن چيقارماعلى و و بناء عليه قلبى عزم و ايمان ايله دولو هر سامان غلبه قطعيه نك طرفمزده قالاچغندن اصلا شبهه ايتامليدر .

## ايرلاندا وانگلتره

چكلمسى احتمالن دن بحث اولنيور . حربى صوك درجه شدت وعزم ايله اداره ايدرهك ظفري استحصال ايدن و ايكي اوج سنه دنبرى عيني عزم و شدتله و فقط دها خودبينانه ر طرزه سياست عموميه ني تدويره چايشان لويديجورجك دها فضله مدت موقعى محافظه ايدمه ميسى لازمكبر . ذاتا نهايتى كلمين و هنوز دوام ايتمكه بولنان حرب عمومينك دها ييوك بر شدتله جانلانسي احتمالاتنك خيالى اولمديغى كورولمكه باشلا - دى . انگلتره كندى خطاسى يوزندن آناطولى مليتيجيريله روس بولشويقيريني بر برينك قواچغنه آندى .

كرچه سياستك ؛ آخرك ، بالخاصه ضعيفك حقوقنه تجاوز ايدن قسمندن صرفنظر انسانيت و مدينتك قبول ايتديكى مدافعه حقوق قسمى تدقيق ايديله جك اولورسه طوبيق بيلمز غرب عالمنه قارشى شرقك حقوق طبيعيسنى مدافعه و محافظه ايجون يكانه چاره اولمق اوزره ترك و روسك اتفاقي لزومى عيانا كنديني كوستر . صرف مى منفعتلريني دوشونن متفكر ترك

يولسر ، هر قاريسى مدافعه ايديلن بر مملكتده دها فضله اوزامغه ماده دخى امكان يوقدر . عجبا آتى نه اوله جق ؟ واقعا توركلره محاربيني ، حالا كنديني بيطرف اعلان ايتمكدن چكلمين انكليزلياييور . يونان اردوسى بو افنديلرينه آنجق انسان مالزمسى وبرييور . فقط انكليزلرك وسايط قتل و تخريبى نه قدر بول و خائنانه اولورسه اولسون هيچ بر زمان اونو نامليدر كه بر طرفدن حقوقى صوكنه قدر مدافعه يه و محقق استحصاله عزم ايتمش بر ملت كتله سى وار

انكليزلر ايرلاندا نك عزم و شدت ايله اداره ايديلن اختلالى او كنده نهايت ييوك روحلى كوچك ايرلاندا ني شبهه سز نمون ايدرهك مساعداتده بولنه رق دها دوغرى ييوك ملتك حقوقى تصديق ايدرهك ائتلاف اساساتى حاضرلادى . بسبتون استقلاليتنى ايتين ايرلاندا يه نه كې حقوق و يرلدبكنى هنوز بيايه - مكه برار آوروپا و بوتون دنيا انقلابانه اساس اوله جق مهم بر آديم ايتامش اولديغنده شبهه يوقدر ، حريت بشنده قوشان ، نوروضيايه محتاج اسيرملتلك ده ايتدكلى بوندن بشقه برشى دكدر . بو حقوقى اك ييوك دشمنه بالفعل قبول ايتدبرمك موقفيتلك اك ييوكدر . حقوق بين الملل بو مهم مثالى قيد ايدنجه مثاللك تعدد ايده جكى شبهه سزدر .

فقط ايرلاندا ايله اختلافك حلنه دوغرى آديم آيتلمسى لويديجورجك موقعى صارسه جق كې كورو - نيور . داخلى و خارجى بولتيقه نك تعقيب ايتديكى بولى بكنمين بر اكثريت او كنده لويديجورجك

ایستدکری ملتلك اثر حیات کوسز مه سنه ، بوغو -  
لور کن چابالامه لرینه بیله تمحل ایده مزلر .

انکیزلر بر طرفدن ایرلاندالیرله اوزلاشمق  
تشبتهنده بولنور کن دیگر جهتنن استانبولده بولنان  
انکیز آمیرالی هارنفتونک آقسه حکومتیله کورو-  
شمک ایچون آناتولییه کیتیمک اوزره اولدیغی  
حوادثلری کسیدی . فقط آناتولی حکومتک انکیز  
تکلیفه ویردیکی جوایده ترک طوبراقلرنک ترک  
حکومتنه تسلیمی ، تورک حکومتک استقلالیت قطعیه سی  
بو غازلرک سربستیسی تأمین اولمق شرطیله ائتلاف  
حکومتلری طرفندن تخلیه سی شرطلری درمیان ایدلش  
اولدیغندن جنرال هارنفتونک ملیتجی مرخصلریله  
مذاکره دن صرف نظر ایتمش اولدیغی بیلدیرلری .

او حالده انکیزلرک بویولده بر مذاکره فی  
طلبدن مقصدی نه ایدی ؟ لویج جورج حکومتک  
اوتهدیری تعقیب ایتدیکی سیاست آناتولی حکومتک  
کندیلریله آلاشیلیمسی امکان اولمیان متعصب  
اختلاجی کیمسلر اولدیغی خصوصنده انکیز افکار  
عمومیه سی یالانله آلتامق و بو کونکی مشکوک وضعیتک  
ترک ، یونان حرینک مسئولیتنی ترکله یوکلهمک  
فرستلرنی اله کچیرمکه چالیشمقدن عبارت اولدیغی  
کورولور .

انکیزک استانبول ایله ترک ملتی حقنده کی  
نقطه نظرینی اییجه بیلن فرانسه و ایتالیا کندی بیوک  
منفعتلرنکده هیلکه ده اولدیغی کوره زک ترکلرک  
لهنده اولمق اوزره سیاستی اداره ایدیورلر .

انکیزلرکده انعقاد ایتمش اولان مستملکه رؤ -  
سای قونفرانسی وضعیت خارجییه و داخلیه ده کی بیوک  
هیلکه لری کوروش اولمیسیدرلرک بر طرفدن

و روسلر بو اتفاقک پک طبیعی اولدیغنی کوروب  
لروم تطبیقنه قانعدرلر . انکیزلر بو ایکی بیوک ملتک  
اتفاقنه مانع اولمق ایچون هر درلو واسطه یه مراجعت  
ایتدیلر . قفقاسیا خریستیان ملتلرینی الده ایتیمک  
صورتیله ترک و روسک آراسنه کیرمکی تجربه ایتدیلر .  
تشرک اولنورکه هر ایکی ملتی اداره ایدن حکو-  
مترلر انکیزک بتون شدت و شیطنتنه رغماً او وفاقی  
تأمین و تقویه ایتدیلر .

کچنده ، غرب اولدیغی قدر انکیزلکه لایق  
پک ردیالانه بر مطالعه بر انکیز غزته سفده کورولدی  
یونانلیلر ائتلاف حکومت معظمه سنک آناتولی مسئله-  
سنده کی توسط تکلیفی رد ایدنجیه انکیز غزته سی  
دیوردی که : « نه اولوردی آناتولی ملیتجیلری موسقوه  
بولشویکریله بو درجه صمیمی مناسباتده بولنمسه  
لردی ده یونانک توسط تکلیفی رد ایتیمسی اوزرنیه  
ترکله متوجه اولان انکیزلر تورکلری ممنون ایده-  
جک طرزده صلحی تأمین ایده جک زمینی حاضر  
بولسه لردی . » ناموس سزلفک بوشکللی انکیزلکه  
خاصدر .

( تان ) کی فرانسه ناک بیوک غزته لرندن برینک  
اک نهایت اعزاف ایتدیکی کچی باشنده لویج جورج  
بولنان انکیزلرک بر قسمی استانبول و بوغازلره صورت  
قطعیه ده وضع ید ایتیمکه و ترک حکومتی اورتادن  
قالدیرمغه عزم ایتدکری و بو قرارلرینی تطبیق ایده-  
بیامک ایچون مختلف واسطه لره مراجعتله برابر یونان  
اردوسنی آناتولیده احیا و ادامه ایتدیرن انکیزلر  
اوتانمادن آناتولی ملیتجیلرنک روس بولشویکلریله  
حسن مناسباتنی تنقیده قالدیشورلر . اوت اولنر ، بوغمق

یک اوزاق اولیان و بلکه ده یک یقین عد ایدیلہ جک  
استقبال ایچون حاضر لانان قرہ بلوطلر اکتیزلری آناتولی  
ترکری حقندہ دہا منصفانہ و عادلانہ حرکتہ مجبور  
ایدہ جکدر .

ایرلندا ملیتیرورلرینی منون ایدہ جک قرارلر اتخاذ  
ایدیلکہ برابر دیکر جہتدن شرق قریدہ لوید  
جورجک تعقیب ایتدیکی سیاستہ مخالف یوکک سسلردہ  
ایشیدیلکہ باشلادی . امید ایدہ لم کہ تاریخ نقطہ نظرندن

## لوزان مکتوبلرے .

(لوزان ۱۵۰ نومور ۱۹۲۱)

مالکدر — اولہ کورولور کہ اوتہ دن بری ایکی اساسلی  
سیاست جریاندہ — امپریالیست و قایتالیست جریانلری  
— تأثیرانہ آو یا چوق تابع سیاسی فرقه لڑک سوق و  
ادارہ سی آلتندہ چالیشور . (۱)

جسم مستملکہ لڑک صاحبی اولان بو مملکتلردہ ایوم  
وضعیتہ حاکم اولان بو ایکی اساسلی جریان سیاسیہ  
قارشی قیمت اخلاقیہ جہ چوق یوکک و منافع عمومیہ  
بشری دہا مدرک سیاسی قناعتلر ، لیبرالیزم و سوسیالیزم  
جریانلری ، سوک عصرده کتد کجہ اکساب نفوذ و قدرت  
ایدرک اولکیلرلہ مجادلہ یہ باشلادی . امین کہ ملتلرہ  
حق حیات و حریت طابیان و سربستی و آہنک مساعی فی  
بین الملل صلح و سعادتک شرائط اصلیہ سندن عد و تلقی  
ایدن بو سوک ایکی بیوک مفکورہ نہایت دیکر لرینہ

محکوم و مظلوم ملل اسلامیہ نک حقوق انسانیه  
و سیاسیه سی مدافعہ ایچون انتشار ایدن « لواء  
الاسلام » ک مزوی بر قارشی صفتیلہ سزکله بر آو  
حسبالدہ بولونقلغمہ مساعدہ ایدیکر .

ہر کون بیک درلو یا لانلرلہ و ریاکارلرلہ اغفال  
ایدیلرک حیاتی و مدنی قابلیتلی تدریجاً تعقیب ایدیلک  
ایستہ نیلن و اک مقدس و محترم حق لری آیاقلر آلتندہ  
چیکنہ ن بوزلر جہ ملیون اسلامہ ، فنک تکملات  
حاضرہ سیلہ مجہز جانیلرہ خاص بر صفوق قانلیقلہ و  
سیاسی شیطنتلہ و اصلا مرحمت حس ایدیلکسزین ، تطبیق  
ایدیلکہ اولان ظلم و احما سیاستک چرکین و مدنیت  
حاضرہ ایچون شین آور و نائق و تفصیلاتی افکار عمومیہ  
انسانیه حضورندہ نشر و اعلان ایدہ جک و ملل مظلومہ یہ  
رہا و خلاص بولندہ رہبر ارشاد اولہ جق جدی و  
جرائکار و سائط نشریہ یہ چوقدن بویوک بر احتیاج  
واردی . محترم جریدہ گر بو مقدس غایہ فی استهداف  
ایتمکہ انسانی بویوک بر وظیفہ فی درعہدہ ایتمش  
بولونیور . موقیتکزک قلی دعا جی بی .

(۱) انکترہ نک نفوس اصلہ سی فرق آتی ملیون ایکن انکیز  
رقبہ اسارتندہ یاشایان ملل محکومہ نک مقدار نفوسی اوج یوز سکان  
ملیونی تجاوز ایدیور . بالکز ہندستانہ اوج یوز اون آتی ملیون  
ہندلی حریت و استقلاللرندن محروم بولونیورلر . فرق ملیون نفوسہ  
مالک بولان فرانہ نک مستملکہ لرنندہ آتیش ملیون نفوس مظلومہ  
وار . آتی ملیونلک کوچک بر حکومت اولان ہولاندہ آسیادہ  
ہمان ہمان مسلمانلرندن منشل و سیاسی ہر حقن محروم اوتوز  
سکر ملیونلک مستملکہ تبعہ ستہ حاکمدر . آتی ملیونلک یورکیزک  
ادارہ سی آلتندہ اون ملیونلک مستملکہ وار .

باشدہ انکترہ و فرانہ اولدیغی حالده بو کونک  
امپریالیست و قایتالیست آوروپا حکومتلری — کہ ہر  
بری ملیونلر جہ نفوسی حاوی جسم مستملکہ لرہ

افراد بشرک حیاتی بهاسنه ضبط و اشغال ایدیلان برلرده امپریالیستلرک وظیفهسی عادتاً سرمایه نك و امتیازات اقتصادی نك استیلاسنه مقاومت ایده بیله جك محلی قابلیت و قدرتلی بر برر امحا ایدرک استیلائی اقتصادی نك تمللرینی قورمقدور.

آوسترالیا و کانادا استئنا ایدیلرسه - که انکلیز عرقنه منسوب اهلیدن متشکل اولدقلری ایچون واسع مختاریته مالک بولونیورلر - همان بوتون مستملکهلرده ساکن ملل محکومه تکامل و ترقی نك شروط اساسیه سندن اولان سیاسی و مدنی حقوقک پک چوقلرندن محروم یاشیورلر. دیگر ملتله سیاسی مناسباته کیریشمک اونلر ایچون قطعاً ممنوعدر. عادتاً مستملکهلرک حدودی ایچنه صیقیشدیرلش مجرملرکی اوزلرینده عسکری بر حاکمیتک متمادی مراقبه و تحکمانی جاریدر. مملکت داخلنده انضباط و آسایشک تأمین هی بابانجی و امپریالیست امر و قوماندالره مودوددر. بوتون منابع اقتصادی مملکت حاکم ملتک سرمایه دارلرینک بد اغتصابندهدر. اولاد و طنک تربیه و تحصیل ایچون مستملکه بدجملرینده همان هیچ بر پاره تخصیص ایدلر. دیگر طرفدن تشبث شخصی ایله معارف مملکتی یوکه لثمک ایستهین وطن پرورلرک الی آباغی قانونلرک و نظامنامهلرک قیود و شروط تضییقهسی ایله باغلانمش کی در. افکار ملتی تنویر ایده جک صورتده غزته و کتاب نشر ایده بیلمک قابل دکلدور. سربستی کلام و سربستی سیر و سیاحت و اجتماع حققری بویچاره لر ایچون یوقدر. مستملکه خلقی ایچون یالکر بر سربستی واردر: حاکم ملتک امپریالیست.

غلبه چاله جق و بدبخت ارض اوزرینده کی ظالم و مظلوم موقعلرینده بوکون بر برینک دشمنی و سفالت و فلاکتنک مسبب و عامل اولان ملتله آرتق، ادیان و منافع عالییه بشرک چوقدن امر و تلقین ایتدیکی، محبت متقابلیه و تعاون و تضامن عمومی به مستند مسعود بر دوره صلح و رفاه حاضرلایه جقدر. فقط بوکون کرک سوسیالیستلرک و کرک لیبراللرک نه مفکوره و قناعتلری و نه ده مادی قابلیت و قدرتلی هنوز بین الملل مناسباته حاکم اوله بیله جک بر وسعت و تأثیری اکتساب ایده مه مشدر و ده پک چوق زمان ایده میه جکدر. بوکونک قانونی آپ آشکار کورولورکه الحکم لمن غلب دستور و حشیانه سیدر. حدود سیاسیلهلری داخلنده کی افراد ایچون مصونیت شخصی و حریت و مساوات حققرینی حقوق اساسیه دن اوله رق طایمیش اولان مترقی دیدیکمز ملتله بیله، حدودلری خارجنده مستملکه اهلینسه و دیگر ملتله قارشى تعقیب ایتدکلری سیاستلر بشرک ادوار ابتدائییه و حشتمنده فردلر و عشرتله آره سنده جاری اولان عادات و حشیانه دن فرقتدور.

امپریالیستلر، ثقیل ایتدکلری قناعتلری بوتون بر ملته و بوتون بر جهانیه حاکم قیامق و قایتالیستلرده دیگر چالیشان قوللرک محصول مناعیسی اقتصادی انحصار و امتیازلرله خزینهلرینده طویلایه رق اسکی زمانک دره بکلکیرینی آکدیران مدبدب و محشتم مالکانه لرنده مکلف و مسرف بر حیات یاشامق ایستلر. دنیله بیلیرکه امپریالیستلر قایتالیستلرک متعصب و غافل پیشدار اردولری در. طوب و تفنکله بیکلرجه معصوم



سیاسی اغورنده قویون سورولری کی اولاد وطنی حرب میدانلرنده اولومه کوندرمک و حاکم ملت قایتنا - لیستلرینک قیرباجلری آلتنده جسم چققلک و فایزقه لرده اولونجه یه قدر آج و چیللاق قادین ارکک چوجق متادیآ چالیشق چالیشق...

ارض اوزرنده اوزاق و یا یاقین بر ماضیدن بری حال اسارته دوشش بدبخت مستملکه ملل محکومه سنک شمدی یه قدر سور و کله دکری عذاب و محنت دولو فعیع حیاتک تاریخی یوزلرجه جلدی دولدورمغه کافیدر . بو تاریختک بدبخت و قانی صحیفه لری ایسه اسلام ملت لک صوک بر عسرق ما جرای اسارتیه دولودر . اسلامیت ایچون نه آجی تجلیدر که ارض اوزرنده کی اسلام لک تورکیا و آفغان و ایران و چین مسلمانلرندن ما عدا سی یعنی (۲۲۲) میلیون مسلمانک تقریباً درتده اوچی (۱) بوکون حقوق مدنی و سیاسی لردن محروم بر حالده یاشامغه محکوم بولونیورلر .

بو زوال لیلرک شمدی یه قدر معروض قالدق لری مظالم و تجاوزاتک یوزده طقسان طقوزی مشکوک و

(۱) کره ارض اوزرنده کی مسلمانلرک بکون عددیسی اوج یوز میلیون تخمین اولیور ، فقط محضاً بر دشمن وثقه سنه استناد ایده یلمک ایچون آریجه تدقیقاته لزوم کورمه دن ویتاکر Whitaker's Almanach for 1919 London. نامنده کی انگلیز آلمانا فک ۱۹۱۹ تاریخی نسخه سنده کی استاتستیقی اساس اتخاذا ایتیم . بو آلمانا فده ارض اوزرنده کی مسلمانلر ۲۲۲ میلیون . آفغان مسلمانلری درت میلیون سکر یوز یک . ایران مسلمانلری طقوز ایچق میلیون کوسرملکده در . ۱۹۲۰ ده برلنده نشر اولنان کورشنرس یاربوخ نامنده کی آلمانا فده Kirschner's Jahrbuch 1920 Berlin چین مسلمانلری اوتوز میلیون کوسر یلیور . آناطولی لک مستقل مسلمانلری اون بش میلیون تخمین ایدیلیرسه ارض اوزرنده اجنبی حاکمیتندن آزاده مسلمانلرک یکنی آتجق الی طقوز ملیون یولیور دیمکدر .

مجهول قلمشدر . محررین اسلامیه نک بوکونکی بویوک بر وظیفه سی بو حقسنز قلملرک و جنایتلرک دلائل و وثائقی طویلا یه رق کتابلرله ، رساله لره ، غزله لره نشر ایتیمکدر . آتجق بو حقیقتلرک اظهار و افشای ایلده در که عالم مدینت و افرادنک ماجرای فلاکتندن تماماً بی خبر اولان قوجه عائله اسلام نهایت کوزلرینی آچهرق حالا بو بکرمنجی عصر مدینتک سینده سنده مفرس بر جانوار وحشتیه یاشایان مستملکه اداره و سیاستلر - نیک بشریت و اسلامیت ایچون نه مددش وجهنی بر هائله و مصیبت اولدق لرنی ده یقیندن کورمش و آکلامش اوله جقدر . بوکون آناطولی صوک تورک و اسلام استقلالک حیات ومات مجادله سنه صحنه جریاندر . بر طرفدن حرب عمومینک غالب لری ملت لک مقدس حق حیات و حریتی مدافعه ایچون حرب ایتدک لرنی و ملت لر آراسنده وفاق و اتحاد اساسلرینی قوردق لرنی حالا هیچ ده صیقلمه دن مطمئن ضیافت سالونلرنده اداره اقداح ایدرک بوتون اقطار عالمه اعلان ایدرلرکن او بر طرفده ینه عین غالب لک کیزلی وعد و تشویقلرله حرکت کون یونان اردولری ازمیردن و بروسه دن باشلا یه رق کچدک لری تورک و اسلام کویلرینی و شهرلرینی یاغینلر و قتل عاملرله خرابه زاره چور ییورلر ، اولجه بیطرف منطقه اعلان ایدیلان چناق قلعه و استانبول بوغازلرندن کچن یونان کیلری انگلیز سفائن حربیه سنک حمایت و معاونتی ایلده ، مدافعه سز مرمره و قره دکز ساحل لرنده کی اسلام کویلرینی و هرکه و قره مرسل کی تورک فایزقه لرنی تخریب ، قادین و چوجوق و اختیار بیکلرجه

او دیپلوماتلری ضیافت ماصه‌لرینک باشنده، مجلس مبعوثان کرسیلرینده اوزاقدن کورن و ایشیدنلر، اللرینی قلیلرینک اوزرینه قومیش بوتون بر قناعت و بوتون بر حسن یتک صمیمی و معصوم خطیلبری ظن ایدرلر، فقط اونلرک حقیقی ماهیتلرینی طانیمق ایچون بر ده یشیل قونقه‌رانس ماصه‌لرینک باشنده ملتیرک ماللریله و طنلریله، عرض و استقلاللریله، کوزلری قیزارمش حریص تاجرلرکی وجدانلرینده هیچ بر عذاب حس ایتمکسزین بازارلیق ایدرکن کورملی. [ح.ع.]

معصوم خلقی افنا ایتمکله مشغولدرلر. عالم مدینتک (۱) خلوص وجدانی ایله استهزا ایدن بو نطقلر بویانامه‌لر صولک عسک بوتون انقلابلرینه و تکامللرینه رغماً آلان قدرت و موقعی محافظه ایتمش اولان اسکی بالانجی و ریاکار دیپلوماتی نك وسائط تلقینیه و اغفالیه سندنذر.

(۱) عالم مدینت و افکار عمومی تعییرلرندن مقصود مظلوم و محکومله قلیاً آجیان، بشریت ترقیسی و سعادتنی آتقی تضامن عمومی ملل Solidarite Internationale آلتنده بلا استئنا هر ملت حریت عدالت و مساوات دستورلرینک خامی تطبیقنده آرایان خیر خواه افکار منوره‌در، انسانیت پرور کچین فقط دیکر طرفدن اک بویوک ظالمری ترویج و اجرا ایدن ریاکار محررلر، متفکر و سیاسیلر دکل.

## اجمال حوادث

عربلره انکیزلر آراسنده وقوعه کلان شدید مصادمه‌لرده انکیزلر مغلوب اولش و میدان حریده ۲۰۰ ی متجاوز مقتول و یک چوق مالزئم‌حریه ترکله رجعت ایتمشلرد امیر عبد اللهک مشاوری آمین بک ده انکیز مقتوللری میاندنه در. عربلر هجومده دوام ایدیور، انکیزلر قدسدن قوای امدادیه طلب ایتمشدر.

قدسده و یافه ده اشراف و بویوک مأمورلره سوء قصد ترتیبیله مشغول خفی جمیتلرک وجودی کشف ایدلمشدر. یهودیلردن یک چوق اسلحه مصادره ایدلمشدر. بیت المقدسی بر هوا ایتمک مقصدیله ادخار ایدیلن بومبا و دینامیتلر باقالاتمشدر، بو سوء قصدده مدخدار اولان یهودیلردن بر چوقلری اعدام و بر چوقلری ده نفی اولتمشدر.

سوریه ده ابراهیم صفا، شیخ صالح، هاجم و عاصم بکتر طرفندن اداره ایدیلن عرب قوای ملیه‌سی

عربستان خبرلری. — وهابیلرک حجاز قرالی حسینیه قارش قیام ایتمکلی، وقوعه کلان مصادمه‌لرده حسینک قوتلرینک مغلوب و پریشان ایدلدیکی، مدینه نك اقسام شرقیه سنک وهابیلر طرفندن ضبط اولندیقی و قرال حسینک موقعنک یک زیاده صارصاش اولدیقی بیروتدن ژورنال دو دها، به اشعار اولنیور. امیر عبد اللهک نفوذی منکسر (حیفادن) دویمجه تاسیوتنه (اشعار اولنیور): امیر عبد الله بویوک ینغمیرک نسلندن اولمق دولایسیله مظهر حرمت اولیوردی. صولک زمانلرده کی سیاسی حرکتلریله نفرت عامه‌نی جلب ایله‌دی. شمعی امیری هرکس انکیزلره و یهودیلره صاتیاش بیلیور. بدویلر امیره اولان نفرتلرینی، امیرک عسکرلرینه و ضابطه سنه قانی تعرضلرده بولمق صورتیله کوستریورلر.

شریعه وادیسنده قانی مصادمه‌لر (حاکمیت ملیه‌دن):

توسيع حرکاتله هر طرفدن دشمنی تعجيز ايتمکده و دشمنه قاتلي ضايعات و پرديرمکده در .

مصر خبرلری. — عدلی پاشا هيئتنگ لوندريه کيتمه سی، مصر وطنپرورلرنگ انکتره يه قارشی اولان عداوتنگ بر کره دها تظاهرينه وسيله اولدی. (نیل اتحاد جمعیتی) نک آلمانیا مرکزی رئيسی اسماعیل لیبب بک مطبوعاتنه بر وجه آتی تبلیغاتده بولونمشدر: «عدلی پاشا هيئتنگ لوندريه کيتمه سی مناسبتيله، یارس و لوزانده کی مصر وطنپرور جمعيتلرنگ اتخاذ ايله دکری قرارلری بزه ده تبلیغ ايله ديلر. کال حرمتله سلاملا. ديفمز بو قرارلرک نشرينه لزوم کوريبورز: بر کره دها اعلان ايدرز که (مصر نیل اتحاد جمعيتلری) و قتيله زغلول پاشانک لوندريه مذاکراتنگ بر قومهدیدن عبارت اولديغنه، مصرک سودان ايله برابر بلا قيد و شرط استقلالی اولجه قبول ايدلمه دکجه، هر هانکی بر شخصک لوندريه ده هر هانکی بر مأمور و یا بر هيئت سياسيه ايله مذاکره يه کيريشمه سی، مصرک منافعی اخلاص و انکتره اشغالنگ تقويه و تمديدندن باشقه بر نتیجه و برميه جفته قانع در.»

عدلی پاشا پارسه مواصلت ايتديکی زمان عمان بوتون مصريلر استاسيونه کيتمش (قهر اولسون انکليز دوستی و وطن خائنی عدلی پاشا، ياشا سون مستقل مصر) ديبه نمايشده بولونمشلردر. بو وطنپرورانه نمايش استاسيونده بولنان خلق طرفندن شدتی صورتده آليقتلاشمشدر.

لوزانده کی مصر جمعيتلری ده شرائط آنيه نمحنده مذاکره يه کيريشديکی نقدردر ده عدلی پاشا هيئته مظاهرتده بولنه بيله جککریبی بیان ايتمشلردر: انکتره نک

مصر اوزرنده کی حياه سنک القاسی، بلا قيد و شرط مصرک، سودان ايله برابر، استقلالنگ انکتره و مختلف معاهده لری امضا ایدن دولتله طرفندن رسماً نانمهی. فاس خبرلری. — اسپانيا منطقه سنده: فاس مجاهدلری دشمنه يکی و قهار بر ضربه ايندريدلر. اسپانيا حکومتی صوگ زمانلرده کسب فعاليت ایدن عمومی قیام حرکاتنی باصدیرمق مقصديله (آنوال) منطقه سنی تحکیم و اورايه جنرال (سیلوه ستر) قوماندانلر سنده ايکی فرقه یی متجاوز قوت تحشید ايتمشلردی. مجاهدلر اشبو مستحکم منطقه لری ضبط و اسپانيا قوتلرینی تاميله احيا ايله ديلر. اسپانيا حکومتی ۲۴ نومز نارنجی رسمی تبلیغنده جنرال (سیلوه ستر)، میرآلی (مورالس)، میرآلی (مانهالا) و قائم مقام (مامهرا) و ارکان حریبه هيئتنگ تلف اولديغنی، (آنوال) منطقه سنک تخلیه سنه مجبوریت حاصل اولديغنی، (مه لایلا) ده بر خط مدافعه تاسیسی ایچون فوق العاده قومیسر جنرال (به رنفر) ک امرینه ۶ آلی و افریقا ساحلنه قوه بحریه اعزام ایدلمکده اولديغنی تبلیغ ایدیور. شو رسمی تبلیغ آیلردن بری احضار ایدیلن جنرال (سیلوه ستر) اردوسنک تاميله احيا ایدلديکنه شبهه برافقور.

صوگ خبرلره نظرأ اسپانيا حریبه ناظری مطبوعاتنه اولان بیاناتنده از جمله شولری سويله مشدر: نومزک برنده مه لایلا منطقه سنده (۲۵۰۰۰) عسکر مز و اردی. مه لایلا محاصره ده در. یکریمی ذرت ساعتی بری محاصره منقطعدر. دشمنک آتشی قارشيشنده قره يه عسکر چقارمق همان غیر قابلدر، ارکاب و تزییل ائساننده دوچار اولديغمز ضايعات مدهشدر. شو تبلیغ صریح بر صورتده کوستریور که یقین

ایتاليا خبرلری - [۲۲] نوز تاريخيله رومادن آلمان مطبوعاتنه اشعار اولتيور : جنوره ولايت دا- خلنده ( سارسانا ) ده دون کجه ۳۰۰ قدر مسلح فاسيستک ، موقوف اولان آرقداشلرين قورتارمق ايجون پوسته خانه يه هجوم ايتمه لری اوزه رينه ضابطه ايله فاسيستلر و قومونستلر آراسنده شديد بر مصا- دمه وقوعه کلدی . طرفيندن ۳۰ تلف و پک چوق مجروح واردر .

( دماغرا ) و ( لوتيريانا ) ده وقوعه ککن مصادمه لرده ۱۴ مقتول و ۲۷ مجروح واردر . بو کبی وقايع ( بونومی قاينه سی ) نك موقعی پک زياده صارصیور . ۲۲ نوز تاريخيله تريسته دن اشعار اولتور : ( ايزولا ) و ( موغژيا ) ده قاتولیکلر ، فاسيستلر و قومونستلر آراسنده پک قاتلی مصادمه لر وقوعه کلدی . فاسيستلر ( ايزولا ) ده قاتولیک جمعیتی بناسنه بومبارلر آتديلر . پک چوق تلفات واردر .

اکتکتره خبرلری - ايرلاندا مسئله سی : ( دوواله را - لويديجورج ) مذاکره سی مثبت بر نتیجه يه ايرمدي . دوواله را ۲۲ نوزده لويديجورجک تکلیفی آرقداشلريله مذاکره ايتمک اوزره ، ايرلاندايه عودت ايتدی . لوندردن حين مفارقتنده استاسيونده طوپالانان خلق طرفندن پک حرارتلی صورتده آفکيشلاندی .

بر تورک داها قربان کيندی - آذربايجان سابق داخليه نظاری و استانبول ممثل تجاريسي ( يهودخان ) بر پلاس هوتلی جوارنده علی الاصول آرقدن ککن بر ارمني قورشونته هدف اوله رق قتل ايدلدي . قاتل ميساق ولد آغوب نامنده آذربايجانی بر ارمني در . و طاشناقسيون قوميتيه سی فدايلرلرنددر . قاتل دردست ايدلمشدر .

بر زمانده قهرمان فاس مجاهدلری دشمنی تماماً وطنلرندن دفع ايدمجکلردر .

فرانسز منطقه سی : فاسک شمال شرق حواليسنده امير عبد المالك مختلف قبائلی فرانسز عليه نه توحيد ايله ديکی و غایت اساسلی استحضارنده بولنديغی ، عینی زمانده فاسک مرکز طرفلرنده کی قبائلک ده ( ابو القاسم نغادی ) نك اداره سی آلتنده پک بويوک قیام حاضر - لقلرنده بولنديغی قازابلانقا دن فرانسز غزله رينه اشعار اولتيور . فرانسه مطبوعاتی بوتون افریقا مستملکه سنده وخيم وقايعک ظهورندن اندیشه ايدیور .

هندستان خبرلری - [ ۲۰ ] نوز تاريخيله لوندردن [ صوک خبرلر هندستانده وضعیتک و خامتی کوسرتیور . قاندي و ريفقلى فعاليتلرينی آرتيريورلر ، مستقل هندستان جمهوريتنك اعلانه آچقندن آچغه چالشيورلر . قالكوته ده کی [ آوروپاليلر جمعیتی ] نهلكيه معروض بولندقلرينی و حمايه لری اسبابنك تايمينی والی عومويدن رجا ايتمشدر .

شمال غربی جهتلرنده اختلاجيلر تعرضلرينه دوام ايدیورلر . تموزك اون آلتنجی کونی [ شاهور - تهنيغ ] جوارنده ۲۰۰ کشيلک بر انگليز مفرضه سی اختلاجيلرک هجومنه معروض قالمش و [ شاغلای ] دن جلب ايديلن قوتلر سایه سنده مفرضه نك قورتارلديغی بو مصادمه ده انگليزلردن ۳ ضابط اولمق اوزره ۱۸ تلف و ۳۵ مجروح بولنديغی حکومت رسماً تبليغ ايدیور .

بارون [ اون غزن ] قطعاننك مغلوبیتی : شرق بعيد جمهوريتی قطعاننك هجوميله بارون [ اون غزن ] قطعاننك مغلوب و پک چوق ضايعانه دوچار اولديغی و تموزك اون بشنده ( اورتا ) ني جمهوريت قطعاننك ضبط ايله دکريتی رويته رآزانی خارينندن اخبار ايدیور .